



即位禮資料

和装本

74

6305



74
6305

即位禮資料

44-5
様

657



後漢書志第七

祭祀上

（一）ハ注ナリ



建武元年光武即位于鄩。為壇營於鄩之陽。注春秋
保乾圖曰。建天子於鄩之陽。名曰行皇。祭告天地。
采用元始中郊祭故事。六宗群神皆從。未以祖配天。
地共饋。餘牲尚約。注黃圖載元始儀最悉曰元始四
年。宰衡莽奏曰。帝王之義莫大承天承天之序莫重
於郊祀。祭天於南。就陽位。祠地於北。主陰義。圓丘象
天。方澤則地。圓方因體。南北從位。燔燎升氣。瘞埋就
類。牲欲蕭栗。味尚青玄。器成匏勺。貴誠因質。天地神
所統。故類乎上。則禋于六宗。望秩山川。班於群神。皇
天后土。隨王所在而事祐焉。甘泉太陰河東少陽咸

去五味均平藏

失厥位不合禮制聖王之制必上當天心下合地意
中考人事故曰愷悌君子求福不回回而求福厥路
不通在易泰卦乾坤合體天地交通萬物聚出其律
太簇天子親郊天地先祖配天先妣配地陰陽之別
以日冬至祀天夏至祀后土君不省方而使有司六
宗日月星山川海星則北辰川即河山岱宗三光象
明山阜百川衆流亭汙卑澤以類相屬各數秩望相
序於是定郊祀祀長安南北郊罷甘泉河東祀上帝
壇圍八觚徑五丈高九尺茅營去壇十步竹宮徑三
百步土營徑五百步神靈壇各於其方面三丈去茅
營二十步廣坐十五步合祀神靈以璧琮用辟神道
以通廣各三十步竹宮內道廣三丈有闕各九十一
步壇方三丈并位壇亦如之為周道郊營之外廣

九步營六甘泉北辰于南門之外日月海東門之外
河北門之外岱宗西門之外為周道前望之外廣
九步列望遂乃近前望道外徑六十二步壇方二丈
五尺高三尺五寸為周道列望之外徑九步卿望
亞列望外徑四十步壇廣三丈高二尺為周道卿望
之外徑九步大夫望亞卿望道外徑二十步壇廣一
丈五尺高一尺五寸為周道大夫望之外徑九步
士望亞大夫望道外徑十五步壇廣一丈高一尺為
周道士望之外徑九步庶望亞士望道外徑九步壇
廣五尺高五寸為周道庶望之外徑九步凡天宗
上帝宮壇營徑三里周九里營三重通八方后土
壇方五丈六尺茅營去壇十步外土營土二百步限
之其五零壇土茅營如上帝五神去營步數神道四

通廣各十步。宮內道廣各二丈有闕。為周道后土
宮外。徑九步。營岱宗西門之外。河北門之外。海東門
之外。徑各六十步。壇方二丈。高二尺。為周道前望
之外。徑六步。列望亞前望道外三十六步。壇廣一丈
五尺。高一尺五寸。為周道列望之外。徑六步。御望
亞列望道外。徑三十五步。壇廣丈高一尺。為周道
御望之外。徑六步。大夫望亞御望道之外。徑十九步。
壇廣八尺。高八寸。為周道大夫望之外。徑九步。土
望亞大夫望道外。徑十二步。壇廣六尺。高六寸。為
周道土望之外。徑六步。凡地宗后土宮壇營方二里。
周八里。營再重。道四通。常以歲之孟春正月上辛上
丁親郊祭天南郊。以地配。望秩山川。徧于群神。天地
位皆南鄉。同席。地差在東。共牢而食。太祖高皇帝高

后配于壇上。西鄉。后在北。亦同席。共牢而食。日冬至
使有司奉祭天神于南郊。高皇帝配而望。群陽夏至
使有司奉祭地祇于北郊。高皇后配而望。群陰。天地
用牲二。燔燎瘞埋用牲一。先祖先妣用牲一。天以牲
左地以牲右。皆用黍稷及樂。其文曰。皇天上帝。后
土神祇。嗟顧降命。屬秀黎元。為民父母。秀不敢當。群
下百僚。不謀同辭。咸曰。王莽篡竊竊位。秀發憤興義。
兵破王邑。百萬衆於昆陽。誅王郎。銅馬赤眉。青犢賊。
平定天下。海内蒙恩。上當天心。下為元元所歸。識記
曰。劉秀發兵捕不道。叩金修德。為天子秀。猶固辭至
于再至于三。群下曰。皇天大命。不可稽留。敢不敬承。

寧內館

(五)

魏 三國志魏二

延康元年冬十一月

乃為壇於繁陽庚午王升壇即作百官陪位事訖降

壇視燎成禮而反改延康為黃初大赦

獻帝傳曰辛未魏王登壇受禪公卿列侯諸將

匈奴于四夷朝者數萬人陪位燎祭天地五嶽四

瀆曰皇帝臣丕敢用玄牡昭告于皇皇后帝漢歷

世二十有四踐年四百二十有六四海困窮王綱

不立五緯錯行靈祥並見推術數者慮之古道咸

以為天之歷數運終茲世凡諸嘉祥民神之意比

昭有漢數終之極魏家受命之符漢主以神器宜

授於臣憲章有虞致位于丕丕震畏天命雖休勿

休羣公庶尹六事之人外及將士洎于蠻夷君長

會曰。天命不可以辭拒。神器不可以久曠。羣臣不可以無主。萬機不可以無統。丕祇承皇象。敢不欽承。卜之守龜。兆有大橫。筮之三易。兆有革兆。謹擇元日。與羣僚登壇受帝璽綬。告類于爾大神。唯爾有神。尚饗永吉。兆民之望。祚于有魏。世享遂制。詔三公。上古之始。有君也。必崇恩化。以美風俗。然百姓順教。而刑辟厝焉。今朕承帝王之緒。具以延康元年。為黃初元年。議改正朔。易服色。殊徽號。同律度量。承土行。大赦天下。自殊死以下。諸不當得赦。皆赦除之。

皇皇后帝に付て

晉書十九禮志 景初元年十月乙卯。始營洛陽。委粟山為園丘。詔曰。昔漢氏之初。承秦滅學之後。採摭殘缺。以備郊祀。自甘泉后土雍宮五峙。神祇兆位。多不經見。並以興廢無常。一彼一此。四百餘年。廢無禘禮。古代之所更立者。遂有闕焉。曹氏世系出自有虞氏。今祀園丘。以始祖帝舜配。禘園丘曰皇皇帝天。方丘所祭曰皇皇后地。以舜妃倕氏配。天郊所祭曰皇天之神。以太祖武皇帝配。地郊所祭曰皇地之祇。以武宣皇后配。宗祀皇考高祖文皇帝於明堂。以配上帝。十二月壬子冬至。始祀皇皇帝天于園丘。以始祖有虞帝舜配。自正始以後。終魏世。不復郊祀。

隋書卷一百八十九

隋文帝

國書集成皇極典第一百八十九卷

開皇元年二月甲子。上自相府常服入宮備禮。即皇帝位於臨光殿。設壇於南郊。遣使柴燎告天。是日告廟。大赦改元。乙丑。追尊皇考為武元皇帝。廟號太祖。皇妣為元明皇后。己巳。以周帝為介國公。邑五千戶。為隋室賓。旌旗車服禮樂一如其舊。上書不為表。答表不稱詔。周氏諸王盡降為公。

隋書

隋書禮儀志四

周大定元年靜帝遣兼太傅上柱國杞國公椿太宗伯大將軍金城公熒奉皇帝璽紱策書禪位於隋司錄虞慶則白請設壇於東第博士何妥議以為受禪登壇以告天也故魏受漢禪設壇於繁昌為在行旅郊壇乃闕至如漢高在汜光武在鄴盡非京邑所築壇自晉宋揖讓皆在都下莫不並就南郊更無別築之義又後魏即位登朱雀觀周帝初立受朝於路門雖自我作古皆非禮也今即府為壇恐招後訕議者從之二月甲子椿等乘象輅備鹵簿特節率百官至門下奉策入次百官文武朝服立于門南北面高祖冠遠遊冠府寮陪列記室入白禮曹導高祖府寮從出大門東廂西向椿奉策書熒奉璽紱出次節導而

進高祖揖之入門而左。椿等入門而右。百官隨入庭中。椿南向讀冊書畢。進授高祖。高祖北面再拜。辭不奉詔。上柱國李穆進喻朝旨。又與百官勸進。高祖不納。椿等又奉策書進而敷勸。高祖再拜。俯受策。以授高類。受璽以授虞慶則。退就東階位。使者與百官皆北面再拜。搢笏。三稱萬歲。有司請備法駕。高祖不許。改服紗帽黃袍。入幸臨光殿。就閣內服。亮冕乘小輿。出自西序。如元會儀。禮部尚書以案承符命及祥瑞牒進東階下。納言跪御前。以聞。內史令奉宣詔大赦。改元曰開皇。是日命有司奉冊祀于南郊。

唐高祖

集

武德元年五月甲子。即皇帝位於太極殿。命蕭造兼太尉。告於南郊。大赦。改元。賜百官庶人爵一級。義師所過。給復三年。其餘給復一年。

創業起居注

皇帝即位於太極前殿。設壇於長安城南。柴燎告天。備羽儀法物。臨軒大赦天下。改義寧二年為武德元年。

宋史第一百十

禮志四

高宗內禪。紹興三十二年六月十日御札。皇太子可
即皇帝位。朕稱太上皇帝。退處德壽宮。皇后稱太上
皇后。應軍國事。並聽嗣君處分。十一日行內禪之禮。
有司設伏紫宸殿。宰臣文武百僚立班。皇帝出宮鳴
鞭。禁衛諸班直親從儀仗。并內侍省執骨朶使臣等
並迎駕。自贊常起居。皇帝升御坐。知閣門官以下并
內侍都知御帶以下一班起居。次管庫一班起居。次
宰執以下常起居訖。左僕射陳康伯知樞密院事葉
義問參知政事汪澈同知樞密院事黃祖舜升殿奏
曰。臣等不才。輔政累年。罪戾山積。乃蒙容寬。不賜誅
責。今陛下超然獨斷。高蹈堯舜之舉。臣等心實欽仰。
但自此不獲日望清光。犬馬之情。不勝依戀。因再拜

辭相與泣下。幾至號慟。帝亦為之流涕曰。朕在位三十
十六年。今老且病。久欲閒退。此事斷自朕心。非由臣
下開陳。卿等當悉力以輔嗣君。康伯等復奏曰。皇太
子仁聖。天下所共知。似聞謙遜太過。未肯便御正殿。
帝曰。朕前此固嘗與之言。早來禁中。又面諭之。即步
行徑趨側殿門。欲還東宮。已再三敦勉邀留。今在殿
後矣。宰執降階。皇帝降坐。鳴鞭還內。軍臣文武百僚
並退立班。聽宣詔訖。再拜舞蹈三稱萬歲。再拜訖。班
權退。復追班入。詣殿下立班。少頃。新皇帝服履袍。涕
泣出宮。禁衛諸班直親從儀仗等迎駕起居。鳴鞭內
侍扶掖。皇帝至御榻。涕泣再三不坐。內侍傳太上皇
帝聖旨。請皇帝升御坐。皇帝升御坐。東側坐。知閤門
官以下一班起居稱賀。次管軍官一班起居稱賀。次

文武百僚橫行北向立。舍人當殿。文武百僚宰臣陳
康伯以下起居稱賀。皇帝降御坐。側身西向不坐。俟
宰臣以下再拜舞蹈三稱萬歲起居稱賀畢。康伯等
升殿奏。臣等言。願陛下即御坐。以正南面。上副太上
皇帝傳授之意。帝愀然曰。君父之命出於獨斷。此大
位懼不敢當。尚容辭避。康伯等再奏。茲者伏遇皇帝
陛下。應天順人。龍飛寶位。第以駕下之材。恐不足
以仰輔新政。然依泰風雲千載之遇。實與四海蒼生
不勝幸慶。再拜賀畢。奏事而退。宰執下殿。皇帝還內
鳴鞭。宰執文武百僚赴祥曦殿候太上皇帝登輦。扈
從至德壽宮而退。翌日詣德壽宮朝見。前期儀鸞司
設大次於德壽宮門內。小次於殿東廊西向。其日俟
皇帝出。即御坐。從駕臣僚禁衛等起居如常儀。皇帝

降御坐。乘輦至德壽宮。文武百僚詣宮門外迎駕起。居訖。前導官太常卿、閤門官、太常博士、禮直官先入詣大次前。分左右立定。俟皇帝降輦入次。御史臺閤門太常寺報文武百僚入詣殿庭北向立定。前導官導皇帝入小次。簾降。俟太上皇帝、御坐。小次簾捲。前導官導皇帝升殿東階。詣殿上折檻前。奏請拜。皇帝再拜訖。前導官導皇帝稍前。躬奏聖躬萬福訖。復位再拜訖。導皇帝詣太上皇帝御坐之東。西向立。殿下在位官皆再拜。搢笏三舞蹈。三叩頭出。笏就拜。又再拜。班首不離位。奏聖躬萬福。又再拜。班退。前導官以次退。從駕官歸幕次。以俟。從駕太上皇帝駕興。皇帝從入見太上皇后。如宮中之儀。皇帝還內。如來儀。每遇正旦、冬至及朔望。並依上儀。

(五大)

金

續文獻通考卷一百十七

初即位儀 太祖收國元年春正月壬申朔。諸路官民耆老畢會。議創新儀。奉上即皇帝位。阿離合邁宗翰乃陳耕具九。祝以闢土養民之意。復以良馬九隊。九匹別為色。并介冑弓矢矛劍奉上。國號大金。建元收國。

元

續文獻通考卷一百十八

皇帝即位受朝儀 前期三日習儀于萬安寺前二
日陳設于殿庭前一日設宣詔位于闕前至期大昕
侍儀使引導從護尉各服其服至皇太子寢門前捧
牙牌跪報外辦內侍傳旨曰可侍儀使俛伏興皇太
子出閣侍儀使前導由崇天門入升大明殿引進使
引導從皇太子妃閣前跪報外辦內侍出傳旨曰
可引進使俛伏興前導由鳳儀門入候諸王以國禮
扶皇帝登寶位畢鳴鞭三尚引引點檢以下皆公服
入就起居位起居正殿兩班點檢宣徽將軍宿直
尚厩管旗各恭事候后妃諸王駙馬以次賀獻禮畢
恭議中書省事四人以簪奉詔書由殿左門入至御
榻前恭議中書省事跪奏詔文俛伏興以詔授典瑞

使押寶畢置于篚對舉由正門出樂作至闕前以詔
置于案文武百僚各公服就位北向立侍儀使稱有
制宣贊唱曰拜通贊贊曰鞠躬曰拜興平身曰班首
稍前典引引班首至香案前通贊贊曰跪曰在位者
皆跪司香贊曰稽首通贊贊曰上香曰上香曰三上
香曰出笏曰就拜興曰復位宣贊唱曰拜通贊贊曰
鞠躬曰拜興拜興平身曰侍儀使以詔授左司郎中
郎中跪受曰譯使稍西升木榻東向宣讀通贊贊曰
在位官皆跪讀詔先以國語宣讀隨以漢語譯之讀
畢降榻以詔授侍儀使侍儀使置于案通贊贊曰就
拜興拜興拜興曰稽首曰鞠躬曰三舞蹈曰跪左膝
三叩頭曰山呼曰山呼曰再山呼曰出笏曰就拜曰
興拜興拜興平身曰立典引引丞相以下皆公服入

起居位起居拜舞祝頌進酒獻表宴畢鳴鞭三侍儀
使導駕引進使導后入寢殿如來儀次日以詔頒行

元 同上

元正受朝儀 前期三日習儀于聖壽萬安寺前二日陳設于殿庭至期大昕侍儀使引導從護尉各服其服入至寢殿前捧牙牌跪報外辦內侍入奏出傳制曰可侍儀佯伏興皇帝出閣陞輦鳴鞭三侍儀使并通事舍人分左右引擊護尉正斧中行導至大明殿外劈正斧直正門北向立導從倒卷序立惟扇置于鉤侍儀使導駕時引進使同內侍官引宮人擊執導從入至皇后宮庭捧牙牌跪報外辦內侍入啟出傳旨曰可引進使佯伏興皇后出閣陞輦引進使引導從導至殿東門外引進使分退押直至聖壽之次引導從倒卷出候兩宮升御榻鳴鞭三劈正斧退立于露階東司晨報時雞唱畢尚引引殿前班皆公

(或大興寺)

服分左右日精月華門就起居位相向立通班舍人
唱曰左右衛上將軍兼殿前都檢點臣某以下起居
尚引唱曰鞠躬曰平身引至丹墀拜位知班報班齊
宣贊唱曰拜通贊贊曰鞠躬曰拜興曰都點檢祈前
宣贊報曰聖躬萬福通贊贊曰復位曰拜興拜興平
身曰揖笏曰鞠躬曰三舞蹈曰跪左膝三叩曰山呼
曰山呼曰再山呼凡傳山呼應萬歲
曰出笏曰拜曰興拜興平身宣贊唱曰各恭事
兩班點檢宣徽將軍分左右升殿宿直以下分立殿
前尚廐分立仗南管旗分立大明門南楹侯后妃諸
王駙馬以次賀獻禮畢興引引丞相以下皆公服入
日精月華門就起居位通班唱曰文武百僚開府儀
同三司錄軍國重事監修國史右丞相無官臣某以

下起居興引贊曰鞠躬平身引至丹墀拜位知班報
班齊宣贊唱曰拜通贊贊曰鞠躬曰拜興拜興平身
曰揖笏曰鞠躬曰三舞蹈曰跪左膝三叩頭曰山呼
曰山呼曰再山呼曰出笏曰就拜曰興拜興拜興平
身侍儀使詣丞相前請進酒雙引升殿前行樂工分
左右引登歌者及舞童舞女以次升殿門外露階上
登歌之曲各有名音中本月之律先期儀鳳司謹
丞相至宇下褥位立侍儀使分左右北向立侯前行
色曲將半舞旋列定通贊唱曰分班樂作侍儀使引
丞相由南東門入宣徽使奉隨至御榻前丞相跪宣
徽使立于東南曲終丞相祝贊曰溥天率土祈天地
之洪福同上帝皇后億萬歲壽宣徽使答曰如所
祝丞相俛伏興退詣進酒位尚驛官以觴授丞相丞

相揖笏奉觴北面立。宣徽使復位。前行色曲舞旋至。露階上。教坊奏樂。樂舞至第四拍。丞相進酒。皇帝舉觴。宣贊唱曰。殿上下侍立。臣僚皆再拜。通贊贊曰。鞠躬。拜興。拜興。平身。丞相三進酒畢。以觴授尚醞官出。笏侍儀使雙引。自南東門出。復位。樂止。

至元七年進酒儀。班首至殿前。褥位立。前行進曲。尚醞官執空盃。自正門出。授班首。班首揖。笏執空盃。由正門入。至御榻前。跪俟曲終。以盃授尚醞官。出。笏祝贊宣徽使曰。諾。班首俛伏。興。班首宣徽使由南東門出。各復位。班首以下舞蹈。山呼五拜百官分班。教坊奏樂。尚醞官進酒。殿上下侍立。臣僚皆再拜。三進酒畢。班首降至丹墀。至元十八年十月二十八日改今儀。

通贊贊曰。合班。禮部官押進奏表。車禮物二案至橫階下。宣禮物舍人進讀禮物目。至第二重階。俟進讀表章官等。翰林國史院至字下。齊跪宣表目。舍人先讀中外百司表目。翰林院官讀中書省表畢。皆俛伏興。退降第一重階下立。俟進讀禮物舍人陞階。至字下。跪讀禮物目畢。俛伏興。退平身。同降至橫階。隨表章西行。至右樓下。侍儀仍領禮物。東行至左樓下。太府受之。宣贊唱曰。拜。通贊贊曰。鞠躬。曰。拜。曰。興。曰。平身。曰。揖。笏。曰。鞠躬。曰。三舞蹈。曰。跪。左膝三叩頭。曰。山呼。曰。山呼。曰。再山呼。曰。出。笏。曰。就拜。曰。興。拜興。拜興。平立。僧道耆老外國番客。以次而禮畢。大會諸王宗親駙馬大臣宴饗殿上。侍儀使引丞相。等陞殿侍宴。凡大宴馬不過一羊。雖多。必以獸人所獻之鮮及脯。

觴折其數之半。預宴之服。衣服同制。謂之質孫。宴樂親親四品以上賜酒殿上。典引引五品以下賜酒于日精月華二門之下。宴畢鳴鞭三。侍儀使導駕引進使導后還寢殿。如來儀。

大金集禮第一卷

帝號上

太祖皇帝即位儀

太宗皇帝即位儀

皇統元年 冊禮

天德貞元 冊禮

太祖皇帝即位儀

收國元年春正月壬申朔。諸路官民耆老畢會。議創新儀。奉_上即_中皇帝位。阿離合懣宗幹乃陳耕具九。祝以闡土養民之意。復以良馬九隊。隊九匹。別為色。并介冑弓矢。予劍。奉_上上命。國號大金。建元收國。二年十二月庚申朔。皇帝詣版輅。極烈率百官宗族。奏言。自遼主失道。奉天伐罪。數摧大敵。克定諸路。功德之隆。亘古未有。敢上

尊號為大聖皇帝。上讓者再羣臣固請。從之。

太宗皇帝即位儀

天會元年九月六日。皇弟諸叔勃極烈即皇帝位。先是宗幹率諸弟暨百官及太祖陵隧之未掩詣上前請即位。上不許。謂有先帝諸子。是日不克襄事。翌日猶不許。宗幹曰。社稷至重。付諸叔極烈以大位者。先皇帝之治命也。羣臣不敢有貳。遂與諸弟暨百官奉赭袍以被上體。而寘璽于懷。乃即位於隧前。己未告祀天地。丙寅大赦改元。

皇統元年冊禮

天會十三年正月二十五日受遺詔即位。頒詔天下。皇統元年正月二日。太師宗幹率百寮上表曰。唐虞無能名。其強名者聖作之迹。天地有大美。欲歸美者物生之常。

(五大)

同

歷觀振古大有為之君。必行當世不可曠之典。布在方策。如日星。自非稱謂之安。烏足形容其德。伏惟皇帝陛下。繩其祖武。簡在帝心。躬勤儉以倡九牧之風。禁游惰以勸三農之作。外則安集勞來。稍節於菟暇內。則怡澹冲虛。弗親于聲色。六年於此。一德惟新。適洽奕世之成。平具舉前王之闕畧。鋪張文物。藻飾聲明。勅五典以示五惇。正五行而為五用。代上古結繩之治。造聖人合契之書。蘊此沉幾。固有電雷之威。斷發於宸翰。豈得雲漢之昭。回兼長馳射之通材。併作帝王之能事。臂使西夏。肘加東韓。北是翰產土之良。南越致祈天之請。云云。一視同仁。懷小民如赤子。九功惟叙。慶多稼于曾孫。瑞物充庭。頌聲載路。若乃嚴恭率典。寅畏求端。道四時于玉燭之和。齊七政于璇璣之運。謂親有德。饗有道。每躬隆祀之儀。而應以實。不以

文曲盡靈承之意所謂崇天也。立功不宰神化自然卷而
藏之則鼓萬物以和言擴而充之則彌六合子無外仰公
成理好其要不好其詳司契無爲同于道亦同于德所謂
體道也而又弗忘兢業益戒盈成有咨詢宿德之勞謙有
體貌大臣之殊敬觀書乙夜而緝熙靡懈於初終決事齋
居雖近習莫知其喜怒此敬事之欽也。包五事以作哲蹈
三知之人微扶義執數者逆折於將形抱義服患者亟用
如不及見日月照臨之博所照何窮雖鬼神情狀之幽其
情安適茲辨物之明也銳于修完以正百度而有典謨訓
誥可舉之文隨所指顧克靖四方是謂聰明睿知不殺之
武幽深遠近其聖也無所不通篤實輝光其德也有容乃
大是以并包禹迹增廣文聲周極皞皞之生民同躋熙
之壽域聳于聞見孰不掄揚乘乾元首作之初薦天子無

窮之間臣等不勝大願謹奉上尊號曰。崇天體道欽明
文武聖德皇帝詔不允凡三表懇願詔曰傳考藝文敷求
右訓謂其尊虛名而徇衆欲不若修實德以承天心故屢
卻于奏章將確守于朕志而叩閣愈衆陳義益堅推讓再
三敦迫備至念大自民而聽拒違恐拂於樂推而名者實
之實佩受終期於求稱勉依來請惕懼增深所請宜允七
日遣上京留守張告天地社稷析津尹宗強告太廟十
日帝服袞冕御元和殿宗幹率百僚恭奉冊禮冊
文曰皇統肇開犧燧因功而紀號帝圖傳序勲華象德以
著稱率皆應億姓之樂推所以對三靈之眷顧自時厥後
何莫由斯國家千載應期奕世脩德重光積慶應歷統
天恭惟皇帝陛下恭承垂裕之休保有無疆之祚表在
躬之瑞旋九宮而乾數周當出震之初闢羣象而義馭朗

煥八彩重瞳之質。宅九州四海之尊。方其恭默不言。淵澄自保。固已照羣臣之邪正。洞庶政之優劣。既而雷動風飛。乾旋坤闔。威柄一而森明。懷懼仁言播而遠近。歸心至于博採庭謨。奮張王旅。必待有名。而後應。固非得已。而亟行。是以戈鋌所臨。金湯失險。攻堅易于振稿。傳令速于置郵。仍以暇時。舉脩墜典。斟酌律禮。糠粃漢唐。損益質文。規模虞夏。隆功並建。振古罕倫。然猶體貌耆英。博叙宗族。約已而厚。祿秩之賜。虛心以來。啓沃之言。府庫不積。而均利於農疇。聲色不通。而留神于古訓。服御靡崇。于彫飾。宮室聊給於會朝。田獵習武事而已。亦踰月而不行。宴樂給賓享而已。蓋非時而不召。歷觀前代。皆有強鄰。各專社稷。版圖互稱。命令制詰。今則日月所燭。正朔無殊。並開有指之土。疆盡抗至尊之名號。加之璇璣正協。玉燭時和。連珠合碧。

之祥。居卿日告。千倉萬箱之積。比屋歲滋。謹頌浹於康衢。珍貢來于絕域。乃者別京幸望。鑾輅省方。屬燕薊之多風。積陰霾而決日。及茲動輦。寂不揚塵。天地清明。人神慶悅。是以羣工卿尹。四海髦倪。並造明庭。交修封奏。敢叙陳於懿美。願深抑於謙冲。謂貪畏嚴恭。聰明時憲。崇天之實也。肅靜恬淡。慈儉為寶。體道之駘也。視聽言動。復於禮。緝熙光明。典於學。茲謂欽以直己。是非可否。定其實。幽深遠近。得其情。茲謂明以察微。經緯有方。煥乎丕顯之文。威懷兼示。赫爾布昭之武。固天縱之將聖。而多能非學。惟民歸於一德。而主善為師。咸五登三。豈形容之可及。挂一漏萬。慙鋪叙之非工。臣等不勝大願。謹奉玉冊玉寶。上尊號曰。崇天體道欽明文武聖德皇帝。立仗一千一百八十人。改服通天冠。宴三品以上官及高夏使。其行事官一奏定。

上公以太師宗幹太尉以正負裴滿胡塔司徒以平章昂攝中書令二員正員韓企先外以待制曷攝侍中三員以平章奕左丞昉左宣徽劉著攝右丞蕭仲恭攝門下侍郎參正李德固攝中書侍郎銀木哥等四員攝中書舍人趙端甫等二員攝給事中捧冊八員捧寶四員以郎律紹文蕭彥讓等充以胡景山攝刑部尚書以左右點檢攝扶持官并奉香合進茶酒盞三員接祖宗神御前茶酒盞三員其禮部尚書太常卿吏禮部侍郎並以正員已後視此奏差除正官外並出宣九日放朝習恭謝并御樓儀十日大禮十一日高麗正旦入使辭十二日恭謝祖廟還御宣和門大赦改元

天德貞元冊禮

天德二年二月百官上表奉上天法天膺運曆文宣武大明

聖孝之號三月望日行冊禮初七日呈稟訖上冊寶合用行事官正員外差攝上壽酒上公一員奉冊太尉讀冊中書令一舉冊中書舍人二押冊吏部侍郎一捧冊官四奉寶司徒讀寶侍中一舉寶給事中二押寶禮部侍郎一捧寶官四奏告官二行禮侍中二太常卿二九日呈稟訖行禮節次受冊前三日合遣使奏告天地昊天於南郊地祇於北郊宗廟並以香幣酒脯醢前二日諸司停奏刑罰文書兵部帥其屬設黃麾仗殿門內二千六百人門外四百人宣徽院帥儀鸞司設座於殿中間設冊寶幄次於大明殿門外設羣官次於大明門外大樂令與協律郎設宮懸於殿庭其日奉冊寶訖設登歌於殿上立舞表于殿下符寶郎其日俟文武官入奉八寶升置殿上俟上冊寶訖復昇還所司其日質明奉

冊太尉奉寶司徒

貞元儀奉冊太師奉寶太尉讀冊中書令讀寶侍中以次應行事官並集于尚書省奉迎冊寶由元德正門入至大明門外

貞元儀通天正門入至大安門外置冊寶於幄次中冊南北應行事官分立子左右文武羣臣等並入次朝服攝太常卿與大樂令帥工人入就位協律郎各執舉麾位一捧冊官一捧寶官一舉冊官一舉寶官由西偏門入至西階下冊寶褥位之西東向立俟

貞元儀無捧冊捧寶官等入至褥位立俟之文等探閣門報通事舍人引攝侍中版奉中嚴訖典儀贊者各就位閣門官引文武百寮分左右入於階下博道東西相向立符寶郎奉八寶由西偏門分入升置殿上東西間相向

訖分左右立於寶後通事舍人引攝侍中版奏外執扇合服袞冕以出曲直華蓋侍衛警蹕如常跪伏興舉麾工鼓祝奏乾寧之樂出自東房即座儀使副添香

殿下第一埽香爐宣徽院另差閣門一員添香貞元儀殿下沙埽爐煙升扇開簾捲協律郎偃麾敬樂止

凡樂皆協律郎舉麾工鼓祝而後作偃麾憂敬而後止下皆准此太常博士通事舍人自冊寶幄次分引冊太常卿

前導吏部侍郎押冊而行奉冊太尉讀冊中書令舉冊官貞元儀進冊舉冊官於冊後以次從之次太常博士通事

舍人二員分引寶禮部侍郎押寶而行奉寶司徒讀寶侍中舉寶官

貞元儀進寶舉寶官於寶後以次從之由正門入宮懸奏美揚功之曲太常卿於冊床前道至第一埽貞元儀並香

案南籍冊寶褥位上少置冊北太常卿與舉冊官退於冊寶稍西東向立應博士舍人立於其後舉冊寶冊床弩手織子官等又於其後皆東向大尉司徒中書令侍中皆於冊後面北以次立吏部侍郎禮部侍郎次立於其後立定負元儀冊北寶南太常卿於冊東北向側立太師以下於冊寶褥位東序立舉冊床弩手織子退立東階下面北立太尉以下於冊寶褥位西序立舉寶床弩手織子退立於西階下立定樂止閣門舍人分引東西兩班羣官合班轉北向立

東班以西為上西班以東為上中間小留班路俟立定太常博士通事舍人四員分引大尉司徒中書令侍中吏部禮部侍郎以次各復本班訖博士舍人退以俟初引時樂奏歸美揚功之曲至位立定樂止典儀曰拜贊者承傳大

(五大)

尉以下應在官位羣官皆舞蹈五拜班首出班起居訖又贊再拜如朝會常儀太常博士通事舍人四員再引太尉司徒中書令侍中吏部侍郎復進至冊寶所稍南立定舉冊寶床弩手織子官並進前舉冊寶床興太常博士通事舍人二員分引冊太常卿前導吏部侍郎押冊而行奉冊太尉讀冊中書令舉冊官於冊後以次從之冊初行樂奏肅寧之曲次通事舍人太常博士又二員分引寶禮部侍郎押寶而行奉寶司徒讀寶侍中舉寶官於寶後以次從之詣西階下至冊寶褥位

負元儀冊寶床興博士舍人分引太師太尉以下導從冊寶行樂奏肅寧之曲至西階下冊寶褥位少置冊北寶南樂止負元儀樂止太尉以下於冊寶西序立舉冊寶床弩手織子官等退於後稍西東向立捧冊官與舉冊官並進前冊去

丞蓋置取冊匣升太常博士通事舍人分引冊太常卿側
身導冊先升奉冊太尉讀冊中書令舉冊官捧冊官於冊
後以次從升
吏部侍郎不升止於冊床之西冊初行樂奏肅寧之曲進
至殿上博士舍人分左右於前楹立以俟
舍人在東以俟冊引讀中書舍人自東階還本班博士在
西以俟引奉冊太尉降自西階下面東立讀冊中書令於
欄子外前楹稍西立以俟舉冊官捧冊官立於其後奉冊
太尉從升至褥位奉冊太尉揖笏少前跪置訖執笏俛伏
興樂止太尉退於前楹稍西立以俟太常博士立於後太
常卿少退東向立舉冊官立于其後皆東向捧冊官先入
舉冊官次入讀冊中書令又次入捧冊官四員皆揖笏雙
跪捧

(五六)

復本班舉實官亦退太常博士引捧寶司徒次奉寶太尉
東向立定博士舍人贊引太尉司徒進詣第一揮香案南
褥位立定博士舍人贊退典儀曰拜贊者承傳在位官皆
再拜訖博士舍人二員引太尉詣東階升
員元儀捧冊官與舉冊官並進前取冊先升奉冊太師通
事舍人分引冊太常卿側身導冊先升奏冊太師讀冊中
書令押冊進冊舉冊官捧冊官於冊後以次從升冊初行
樂奏肅寧之曲進至殿上奉冊太師於褥位揖笏少前
跪置訖執笏退樂止太師與讀冊中書令於欄子外前楹
稍東面北立博士舍人少退面西側立押冊進冊舉冊捧
冊舉冊官又在其後太常卿少退於前楹稍西東向立定
捧冊官先入舉冊官次入讀冊中書令又次入捧冊官四
員皆揖笏雙跪捧兩員於冊北一員稍東一員稍西兩員

於冊南一員稍東一員稍西舉冊官二員亦指笏兩邊單
跪對舉中書令執笏進拜跪讀冊讀訖俛伏興立於前
東太師之次舉冊捧冊官少退立太常卿降復寶床前押
冊昇冊官並進前與捧冊舉冊官等取冊興置於殿之
東間褥位案上西向押冊進冊捧舉冊官等俱降自東
階還本班博士舍人引奉冊大師中書令降自東階還本
班次捧寶官與昇寶官俟讀冊中書令讀訖出並進前取
寶盃升太常博士通事舍人分引寶太常卿側身導寶先
升奉寶太尉讀寶侍中押寶進寶舉寶捧寶官於寶後以
次從升寶初行樂奏肅寧之曲進至殿上奉寶太尉於
褥位指笏少前跪置訖執笏退樂止太尉與讀寶侍中於欄
子外前楹西面北立博士舍人少退面西側立押寶進寶
舉寶捧寶昇寶官又在其後太常卿少退於前楹稍西東

(五大)

向立定捧寶官先入舉寶官次入讀寶侍中又次入捧寶
官四員皆指笏跪捧兩員於寶北一員稍東一員稍西兩
員于寶南一員稍東一員稍西舉寶官二員亦指笏兩邊
單跪對舉侍中執笏進拜跪讀寶讀訖俛伏興退立於前
楹西太尉之次舉寶捧寶官少退立押寶昇寶官進前與
捧寶舉寶官等取寶盃興置於殿之西間褥位案上東
向押寶進寶捧寶舉寶昇寶官等俱降自西階班博士舍
人引太尉侍中降西階復本班太常卿亦從太尉侍中降
西階還本班立定太常博士通事舍人引太師升殿宮
懸奏純誠享上之曲至階止博士舍人退閣使二員引太
尉進至前立定樂止閣使揖贊太尉拜跪賀殿下閣門
揖百寮躬身太尉稱文武百寮具官臣等言致賀詞云
貞元儀止云太師致賀詞俛代興百寮退至階下博士舍

人分引太尉降至東階初降宮懸作肅寧之曲復香案南
褥位立定樂止

貞元儀太師降自東階宮懸作肅寧之曲至位樂止博士
舍人少退典儀曰拜贊者承傳太尉司徒及在位羣官俱
再拜舞蹈三稱萬歲又再拜訖通事舍人引攝侍中升
自東階進詣前楹間躬承旨退臨階西向稱有制典儀曰
拜贊者承傳太尉司徒及在位羣官俱再拜躬身宣詞三
云宣訖通事舍人引侍中還位典儀曰拜贊者承傳階上
下應在位羣官俱再拜舞蹈三稱萬歲又再拜訖博士
舍人分引太尉司徒就百寮位初引宮懸作肅寧之曲至
位立定樂止

貞元儀無分引太尉司徒就位一節及無初引宮懸肅寧
之曲閣門舍人分引應北面位羣官各分班東西相向立

(五大)

定通事舍人引攝侍中升自東階前楹間跪奏禮畢伏
伏興引降還位扇合簾降協律郎伏興舉麾工鼓祝奏
乾寧之曲降座入自東房還後閣進膳侍衛警蹕如儀扇
開樂止捧冊官帥昇冊床人捧寶官帥昇寶床人皆升
殿取通盞蓋訖置於床前引進司官前導通事舍人贊引
詣東上閣門上進

貞元儀進冊官跪進冊狀進寶官進寶狀以授內常侍各
再拜以次出通事舍人分引文武百寮等以次出歸幕次
賜食以俟上壽上冊寶禮畢有司排班御床及座
宴羣官位並如曲宴儀攝太常卿與大樂令帥工人入并
協律郎各就舉麾位俟等探舍人報通事舍人引三師以
下文武百寮親王宗室等分左右入至殿階下稍南東
西相向立通事舍人先引攝侍中版奏中嚴少頃又奏

外辦。扇合鳴鞭。協律郎跪伏興。工鼓祀宮懸奏乾寧之曲。服通天冠絳紗袍。即座簾捲。內侍贊扇開。殿上下鳴鞭。夏啟樂止。儀使副等添香。爐煙升。通事舍人引班首已下合班。樂奏肅寧之曲。至北向位重行立定。中間少留班路。通事舍人引攝侍中詣東階升至殿上少立。閣門舍人引禮部尚書出班前北向伏跪。奏稱。禮部尚書臣某言。請允羣臣上壽。他伏興躬身。通事舍人引攝侍中詣前楹間躬承旨退。臨階稍東西向曰。制可。侍中少退。舍人贊禮部尚書再拜訖。贊祗候復本班。

賀元儀無禮部尚書跪奏侍中承旨一節。內侍局進御床入次。良醞令於殿下橫階南酌酒訖。典儀曰拜。贊者承傳。在位官皆再拜。隨拜三稱。萬歲訖。平立。太常博士通事舍人分引攝上公由東階升。初升宮懸奏肅寧之曲。

(五六)

兩員於冊北一員稍東一員稍西。兩員於冊一員稍東一員稍西。舉冊官二員亦指笏兩邊單跪對舉中書令執笏進跪稱中書令臣某讀冊讀訖。他伏興中書令俟冊畢先退。通事舍人引降自東階復本班訖。通事舍人依太常卿降復寶床前。舉冊官並進與捧冊官等取冊匣興置於殿東間。褥位案上西向。捧舉冊官等降自東階還本班。舉冊官亦退。太常博士引奉冊太尉降自西階東向立。此俟次寶官與舉寶官俟讀冊中書令讀訖出並進前。蓋寶函。床取寶盃升太常博士通事舍人分引寶太常卿側身導寶先升奉寶司徒讀寶侍中舉寶官捧寶官于寶後以次從升。禮部侍郎不升立於寶床之西。寶初行樂奏肅寧之曲進至殿上。博士舍人俱退不升並於前楹稍西立以俟。

博士以俟引司徒降西階以太尉立舍人以俟引侍中降西階復本班讀寶侍中於欄子外前楹間稍西立以俟舉寶官捧寶官立於其後奉寶司徒。寶升至樽位奉寶司徒指笏少前跪置訖執笏俛伏興樂止司徒退於前楹西立以俟太常卿少退東向立昇寶官立於其後皆東向捧寶官先入舉寶官次入讀寶侍中又次入捧寶官四員皆指笏雙跪捧

兩員於寶北一員稍東一員稍西兩員於寶南一員稍東一員稍西舉寶官二員亦指笏兩邊單跪對舉侍中執笏進跪稱侍中臣某讀寶訖俛伏興侍中俟寶興先退通事舍人引降自西階復本班訖通事舍人依昇寶官進前與捧寶舉寶官等取寶盃興置于殿之西間樽位案上東向捧寶舉寶官等與太常卿俱降自西階及吏部侍郎皆

(五大)

殿上舍人少退二閣使揖上公達至進酒樽位樂止宣徵使以爵授上公上公指笏受爵詣榻前跪進受爵訖上公執槃退至進酒位以槃授宣徵使訖二閣使揖上公入欄子內贊拜跪殿下閣門揖百寮皆躬身上公奏稱文武百寮上公具官臣某等稽首言

賀元儀無文武百寮具官之文云云臣等不勝大慶謹上千萬歲壽俛伏興百寮二閣使揖上公出太常博士通事舍人引上公降自東階復本班太常博士通事舍人退上公初降階樂奏肅寧之曲至位立定樂止典儀曰拜贊者承傳上公與在位官皆再拜訖百寮皆躬身通事舍人揖攝侍中進詣前楹間躬承旨退臨階西向稱有制典儀曰拜贊者承傳上公及在位羣官皆再拜隨拜三稱萬歲訖躬身宣曰得公等壽酒與公等內外同慶閣門舍

人贊宣諭訖。上公與百寮皆舞蹈五拜訖。閣門舍人引百寮分班東西序。而殿立。博士舍人再引上公自東階升。宮懸奏肅寧之曲。至進酒。褥位樂止。上公搢笏宣徽使授上公盤。上公詣欄子內褥位。跪舉酒。宮懸奏景命萬年之曲。飲訖樂止。上公進受。虛爵訖。復褥位。以爵授宣徽使訖。二閣使揖上公退。內侍局昇御床出。

貞元儀無此。昇出再進入一節。博士舍人並進前分引。降自東階。宮懸作肅寧之曲。閣門舍人分引東西兩班。隨上公俱復北向位。立定樂止。典儀曰拜。贊者承傳。在位官皆再拜三稱。萬歲訖。平立。殿上通事舍人揖攝侍中進詣前楹間。躬承旨。退臨階西向。閣門官先揖百寮躬身。侍中稱有制。典儀曰拜。贊者承傳。在位官皆再拜訖躬身。宣曰。延王公等升。殿典儀曰拜。贊者承傳。在位官皆再拜訖。搢笏舞蹈。又再拜訖。太常博士通事舍人引上公以下合赴宴。羣官分左右升。殿上不與宴。群官分左右捲班出。宮懸奏肅寧之曲。百寮至。殿上坐後立。樂止。內侍局進御床入。依尋常宴會。再進第一爵酒。登歌奏聖德昭明之曲。飲訖樂止。羣官就坐傳宣。賜起立拜數節。次並如常儀。執事者行羣官酒。宮懸作肅寧之曲。又舞入。觴行

一周樂止。尚食司進食。執事者設羣官食。宮懸奏保大定
功之舞。貞元儀奏萬國來同之舞三成止出。又進第二爵
酒。登歌奏天贊堯齡之曲。貞元儀天錫萬齡之曲飲訖樂
止。執事者行羣官酒。宮懸作肅寧之曲。武舞入。觴行一周
樂止。尚食司進食。執事者設羣官食。宮懸奏萬國來同之
舞。貞元儀奏保大定功之舞三成止出。又進第三爵酒。登
歌奏慶雲之曲。飲訖樂止。執事者行羣官酒。宮懸作肅寧
之曲。觴行一周樂止。尚食司進食。執事者設羣官食。宮懸
奏肅寧之曲。食畢樂止。閣門官分攝侍。宴羣官起。立于
席後。通事舍人引攝侍中詣榻前。俛伏興。跪奏。侍中臣
某言禮畢。俛伏興。閣門舍人分引羣官俱降東西階。內侍
司昇。御床出。宮懸作肅寧之曲。至北向位立定。樂止。典
儀曰拜。贊者承傳在位官皆再拜訖。搢笏舞蹈。又再拜訖。

(五大)

再分班東西序立。貞元儀東西序立侍中詣榻前跪奏禮畢
扇合簾降。殿上下鳴鞭。協律郎俛伏跪舉麾興。工鼓
祝。奏乾寧之曲。降座入自東房還後閣。侍儀如來儀。內侍
贊扇開扇。敬樂止。通事舍人引攝侍中版。奏解嚴。所司
承旨放伏。在位羣官皆再拜以次出。天德二年十二月省去十二字稱號
貞元三年十一月太師思忠等上表奉止。奉天崇運至。李太明淵謀肅斷聖文神武之號。蒙從上省去十二字餘從所請
日行禮儀伏用三十人。提點儀仗許霖畢。棹禮部下太
常寺。於已行禮數內增損參詳。到下項儀。冊用玉簡。然
總數七十五枚。亦從文之多寡。各長一尺二寸。闊一寸二
分。厚五分。聯以金縷。首尾結帶。前後四板。刻龍縷金若捧
護之狀。藉以錦褥。覆以紅羅。泥金夾帕。冊匣長廣取容。玉

冊塗以朱漆金裝隱起突龍鳳金鏤_{錦匣上}又以紅羅
繡盤龍_{寶金}忙覆之承以鍍金裝長于床鍍金龍首鍍金
魚鈎藉匣以錦緣褥又紐紅絲為條以縈匣_{係天德二年}
檢照到典禮已經成造製度實用玉廣四寸九分厚一寸
二分篆文填以金盤龍紐係以暈錦大綬赤小綬連玉環
又玉檢高七寸廣二寸四分皆飾以金裏以紅錦加紅羅
泥金夾帊納于小盂以金裝內設金床暈錦褥飾以雜
色玻璃碧鈿石珊瑚金精石馬瑙又盂二重皆裝以金覆
以紅羅繡帕承以鍍金裝長于床鍍金魚鈎藉盂以錦褥
又冊實行馬並飾以鍍金冊寶案並塗以朱漆覆以紅羅
銷金衣_{寶上篆文隱起其地填以金冊檢並真書鐫訖內}
填以金前三日遣使奏告昊天上帝皇地祇並于
常武殿拜天臺設褥位牌_{昊天上帝位當中皇地祇次}

(五大)

西少却及香茶酒祝版_{祝板少府監成造學士院撰詞書}
寫進署訖付宣徽院差控鶴官用床褥昇覆以黃羅帕隨
告官詣祠所告官就所居清齋一日告日質明宣徽使帥
儀鑾司鋪設供具閣門舍人一員_{太常博士一員}詣神位前再
拜每位上香跪奠茶奠酒再拜太祝讀祝版告官再拜退
原廟奏告准上前二日停奏刑罰文字正月四日六
日習儀於大安殿奉冊及上壽酒并致詞太師奉寶
太尉讀冊中書令讀寶侍中進冊中書侍郎進寶門
下侍郎押冊吏部侍郎押寶禮部侍郎各一舉一冊中
書舍人舉寶給事中各二捧一冊官捧寶官各四行禮侍
中二_{奏中嚴外辦及解嚴禮畢一宣制}太常卿二_{一押}
樂一行禮_{早冊寶官}_{依例省}大樂令協律郎二_{上一殿}
庭_殿典儀贊者各二_{開門}太常博士三_{二引}冊寶奉冊

寶引大師太尉還班一引大師進酒通事舍人七二冊
寶二引侍中一引大師進酒二引中書門下侍郎昇一冊
案十四昇寶案六史部充內常侍四人寶分宣徽院差
弩手織子百人擡一冊寶床及案前一日尚書省安設及
次日行禮并隨內常侍入進一兵部帥其屬設儀仗于
殿門內外一宣徽院帥儀鸞司于前一日設一御座于
殿中開設東西房前楹施簾設香爐香案於一殿下沙墀
設藉一冊寶褥位于香案南設香爐二於一殿榻之左右
設一冊寶幄次于一殿門外稍東西向寶南北設藉一冊寶
褥位一於榻前設太師賀褥位于欄干北設藉一冊寶
盞案褥位各一於一殿上東西間設藉一冊寶床褥位
各一于一殿西階下道西設羣官次于一殿門外東上閣
門外設置一冊寶褥位各一設中書門下侍郎拜褥各一

(五大)

一所司約量陳繖扇於三墀之左右一宣徽院勒所司排
辦一御床菓饌并差簾外執扇五十人開合如儀奉例供
紫展一太樂令協律郎前二日設宮懸於一殿庭又設協律
郎舉麾位二一于殿上樂懸西北一於一殿下樂懸西
北並東向閣門司設百官位於一殿庭如一朝會儀又設
贊者位于班前東北又設典儀位於一殿階上又設行事
官位牌如已定儀才候上冊寶訖還一御幄又設坐宴
羣官位于一殿上如尋常曲宴儀太常寺其日帥昇一冊
寶案官先入置案于一殿之東西間藉一冊寶褥位上東冊
寶學士院定撰上冊寶訖賀詞并上壽詞宣答
制詞及太樂曲名并曲及登歌詞與一奏告祝文書寫進
署中書侍郎進一冊狀門下侍郎進寶狀其狀尚書省禮
房寫一良醞令備酒并一殿下酌酒如常儀尚食排菓饌

尚衣進冕服通天冠絳紗袍有司備警蹕織扇曲直華蓋
等儀物符寶即其日俟文武羣官入奉八寶置千殿上
東西間相向早八寶用控鶴門伏官四員分立寶後上
冊寶訖復還所司御史臺告報外官刺史已上新除未辭
或已辭未發及諸道使人并外官朝奏在都者各依本官
職序班一少府監造位牌三十一面各長尺二闊一尺厚
八分黑油引進司禮畢中書侍郎門下侍郎置一冊寶匣
置于床內常侍四人與引進司官前導通事舍人贊引詣
東上閣門上進上一冊寶并上壽並如天德儀一冊禮
後恭謝一原廟用天德儀惟不降詔

大金集禮第一卷

